



PR 1120 .P4 v.4 SMC







ST. MICHAEL'S COLLEGE TORONTO 5, CANADA









THE

BOKE OF CURTASYE,

An English Poem

OF THE FOURTEENTH CENTURY.

EDITED BY

LIBRARY

JAMES ORCHARD HALLIWELL, ESQ.

LONDON:

PRINTED FOR THE PERCY SOCIETY,

BY C. RICHARDS, ST. MARTIN'S LANE.

MDCCCXLI.



COUNCIL

OF

The Percy Society.

President.

THE RT. HON. LORD BRAYBROOKE, F.S.A.

THOMAS AMYOT, Esq. F.R.S. TREAS, S.A.

WILLIAM HENRY BLACK, Esq.

J. A. CAHUSAC, Esq. F.S.A.

WILLIAM CHAPPELL, Esq. F.S.A. Treasurer.

JOHN PAYNE COLLIER, Esq. F.S.A.

T. CROFTON CROKER, Esq. F.S.A. M.R.I,A.

REV. ALEXANDER DYCE.

JAMES ORCHARD HALLIWELL, Esq. F.R.S. M.R.I, A.

G. P. R. JAMES, Esq.

WILLIAM JERDAN, Esq. F.S.A. M.R.S.L.

CHARLES MACKAY, Esq.

T. J. PETTIGREW, Esq. F.R.S. F.S.A.

E. F. RIMBAULT, Esq Secretary.

JAMES WALSH, Esq.

THOMAS WRIGHT, Esq. M.A. F.S.A.



PREFACE.

The following poem, which is now for the first time printed, from MS. Sloane 1986 (a small manuscript on vellum, of the fourteenth century), is perhaps one of the most singular relics of the kind that could have been placed before the notice of the antiquarian reader. In style of composition it is very similar to the curious poem which I printed some time since in my "Early History of Freemasonry in England,"—in fact, so much so, that I am almost inclined to think, on comparing the two together, that they may possibly be the work of one writer. The same language, and in some instances the same phrases, may be distinctly traced.

Immediately following this poem, in the same manuscript, is another, in the same hand, entitled "Liber Cocorum," a poem on the science of cookery as practised by our ancestors in the fourteenth century. It is curious in its way, and I would suggest to some one who possesses sufficient leisure for the task, that a collection of

early tracts on cookery, including this, would be a curious and even valuable addition to archæological literature. Those who are engaged in researches of this nature, frequently feel a difficulty in ascertaining the precise meaning of early technical terms in the various arts and sciences; the inconvenience of which would at least be considerably decreased by compilations of the kind just mentioned.

J. O. H.

THE BOKE OF CURTASYE.

HERE BEGYNNETHE THE FIRST BOKE OF CURTASYE.

Qwoso wylle of curtasy lere,
In this boke he may hit here;
Yf thow be gentylmon, 30mon, or knave,
The nedis nurture for to have.
Whenne thou comes to a lordis 3ate,
The porter thou shalle fynde therate;
Take hym thow shalt thy wepyn tho,
And aske hym leve in to go,
To speke with lorde, lady, squyer, or grome,
Ther to the nedys to take the tome;
ffor yf he be of logh degré,
Than hym falles to come to the;
Yf he be gentylmon of kynne,
The porter wille lede the to hym.

10

When thow come the halle dor to. 15 Do of thy hode, thy gloves also; Yf the halle be at the furst mete, This lessoun loke thou nost forsete, The stuard, countroller, and tresurere, Sittand at de deshe, thou haylse in fere. 20 Within the halle sett on ayther side, Sitten other gentylmen as falle that tyde; Enclyne the fayre to hom also, ffirst to the ryth honde thou shalle go, Sitthen to the left hond thy negh thou cast, 25 To hom thou bogh withouten wrast; Take hede to somon on thy ryght honde, And sithen byfore the screne thou stonde, In myddys the halle opon the flore, Whille marshalle or ussher come fro the dore. 30 And bydde the sitte or to borde the lede. Be stabulle of chere for menske, y rede; Yf he the sette at gentilmonnes borde, Loke thou be hynde and lytulle of worde. Pare thy brede and kerne in two, 35 The over crust the nether free In fowre thou kutt the over dole. Sett hom togedur as hit where hole; Sithen kutt the nether crust in thre. And turne hit downe, lerne this at me. 40 And lay thy trenchour the before, And sitt upryiht for any sore. Spare brede or wyne, drynke or ale, To thy messe of kochyne be sett in sale;

Lest men sayne thou art honge betene, 45 Or ellis a gloten that alle men wytene. Loke thy naylys ben clene in blythe, Lest thy felaghe lothe ther wyth. Byt not on thy brede and lay hit doun, That is no curtesye to use in towne; 50 But breke as myche as thou wylle ete, The remelant to pore thou shalle lete. In peese thou etc., and ever eschewe To flyte at borde, that may the rewe; If thou make mawes on any wyse, 55 A velany thou kacches or ever thou rise. Let never thy cheke be made to grete. With morselle of brede that thou shalle etc: An apys mow men savne he makes, That brede and fleshe in hys cheke bakes. 60 Yf any manne speke that tyme to the, And thou schalle onsware, hit wille not be, But waloande and abyde thou most, That is a schame for alle the host. On bothe halfe thy mouthe, yf that thou ete, 65 Mony a skorne shalle thou gete. Thou shalle not laughe ne speke no thyng, Whille thi mouthe be fulle of mete or drynke; Ne suppe not with grete sowndyng, Nother potage ne other thyng. 70 Let not thi spone stond in thy dysche, Whether thou be served with fleshe or fische; Ne lay hit not on thy dishe syde, But clense hit honestly withouten pride.

Loke no browyng on thy fynger pore, 75 Before the clothe the before. In thi dysche yf thou wete thy brede, Loke therof that nost be lede, To cast agayne thy dysche into, Thou art unhynde yf thou do so. 80 Drye thy mouthe ay wele and fynde, When thou shalle drynke other ale or wyne. Ne calle thou nost a dysche asayne, That ys take fro the borde in playne; gif thou spit on the borde or elle opone, 85 Thou shalle be holden an uncurtayse mon; Yy thy nowne dogge thou scrape or clawe, That is holden a vyse emong men knawe; Yf thy nose thou clense, as may befalle, Loke thy honde thou clense wythalle, 90 Prively with skyrt do hit away, Or ellis thurgh thi tepet that is so gay. Clense not thi tethe at mete sittande, With knyfe ne stre, styk ne wande. While thou holdes mete in mouthe, be war 95 To drynke, that is anhonest char, And also fysike forbedes hit, And sais thou may be choket at that byt; Yf hit go thy wrang throte into, And stappe thy wynde, thou art fordo. 100 Ne telle thou never at borde no tale. To harme or shame thy felawe in sale; ffor if he then witholde his methe. Eftsone he wylle forcast thi dethe.

Whereso thou sitt at mete in borde, 105 Avoide the cat at on bare worde. ffor vf thou stroke cat other dogge. Thou art lyke an ape teyzed with a clogge. Also eschewe, withouten stryfe, To foule the borde-clothe with thy knyfe; 110 Ne blow not on thy drynke ne mete, Nether for colde, nether for hete: With mete ne bere thy knyfe to mowthe, Whether thou be sett be strong or couthe; Ne with the borde do the thi tethe thou wype, 115 Ne thy nyen that rennen rede as may betyde. Yf thou sitt by a ryzht good manne, This lessoun loke thou thenke apone. Undur his theigh thy kne not pit, Thou ar fulle lewed, yf thou dose hit; 120 Ne bacwarde sittande gyf nost thy cupe, Nother to drynke, nother to suppe. Bidde thi frende take cuppe and drynke, That is holden an honest thyng. Lene not on elbowe at thy mete, 125 Nother for colde ne for hete: Dip not thi thombe thy drynke into, Thou art uncurtayse yf thou hit do; In salt-saler yf that thou pit, Other fisshe or flesshe that men may wyt, 130 That is a vyce as men me telles, And gret wonder hit most be elles. After mete when thou shalt wasshe, Spitt not in basyn ne water thou dasshe;

Ne spit not lorely for no kyn mede,

Before no mon of God for drede.

Whosoever despise this lessoun ry3t,

At borde to sitt he hase no my3t;

Here endys now our fyrst talkyng,

Crist graunt us alle his dere blessyng!

HERE ENDITHE THE [FIRST] BOKE OF CURTASYE.

THE SECONDE BOKE.

YFF that thou be a zong enfaunt, And thenke the scoles for to haunt, This lessoun schulle thy maister the merke, Cros Crist the spede in alle thi werke; Sytthen thy *Pater Noster* he wille the teche, As Cristes owne postles con preche; After thy Ave Maria and thi Crede, That shalle the save at dome of drede: Thenne aftur to blesse the with the Trinité, In nomine Patris teche he wille the: 150 Then with Marke, Mathew, Luke, and Jon, With the pro cruce and the hegh name; To shryve the in general thou schalle lere, Thy confiteor and misereatur in fere; To seche the kyngdam of God, my chylde, 155 Thereto y rede thou be not wylde. Therfore worschip God, bothe olde and zong, To be in body and soule y-liche strong. When thou comes to the churche dore, Take the haly water stondard on flore; 160 Rede or synge or byd prayeris To Crist, for alle thy Crysten ferys;

Be curtayse to God, and knele doun On bothe knees with grete devocioun. To mon thou shalle knele opon the toun, 165 The tother to thyself thou halde alone. When thou ministers at the hegh autere, With bothe hondes thou serve the prest in fere, The ton to stabulle, the tother Lest thou favle, my dere brother. 170 Another curtasye y wylle the teche, Thy fadur and modur, with mylde speche, Thou worschip and serve with alle thy myst, That thou dwelle the lengur in erthely lyst. To another man do no more amys, 175 Then thou woldys be done of hym and hys, So Crist thou pleses, and gets the love Of menne and God that syttes above. Be not to make, but in mene the holde, ffor ellis a fole thou wylle be tolde. 180 He that to rystwysnes wylle enclyne, As holy wryst says us wele and fyne, His sede schalle never go seche nor brede, Ne suffur of mon no shames dede. To forgyf thou shalle the hast, 185 To venjaunce loke thou come on last; Draw the to pese with alle thy strengthe. ffro stryf and bate draw the on lengthe. Yf mon aske the good for Goddys sake, And the wont thyng wherof to take, 190 Gyf hym bone wordys on fayre manere, With glad semblaint and pure good cher.

Also of service thou shalle be fre To every mon in hys degré. Thou schalle never lose for to be kynde, 195 That on forgets another hase in mynde. Yf any man have part with the in gyft, With hym thou make an even skyft; Let hit not henge in honde for glose, Thou art uncurtayse yf thou hyt dose. 200 To sayntes yf thou thy gate hase hyst, Thou schalle fulfylle hit with alle thy myst, Lest God the stryk with grete venjaunce, And pyt the into sore penaunce. Leve not alle men that speke the fayre, 205 Whether that hit ben comyns, burges, or mayr; In swete wordis the nedder was closet, Disseyvaunt ever and mysloset; Therfore thou art of Adams blode. With wordis be ware, but thou be wode: 210 A short worde is comynly sothe, That first slydes fro monnes tothe. Loke lyzer never that thou become, Kepe thys worde for alle and somme. Lawze not to of[t] for no solace, 215 ffor no kyn myrth that any man mase; Who lawes alle that men may se, A schrew or a fole hym semes to be. Thre enmys in thys world ther are, That coveytene alle men to for-fare,— 220 The devel, the flesshe, the worlde also, That wyrken mankynde ful mykyl wo:

Yf thou may strye these thre enmys, Thou may be secur of hevene blys. Also, my chylde, agaynes thy lorde 995 Loke thou stryfe with no kyn worde. Ne wajour non with hym thou lay, Ne at the dyces with him to play. Hym that thou knawes of gretter state, Be not hys felaw in rest ne bate. 230 sif thou be stad in strange contré, Enserche no fyr then falle to the, Ne take no more to do on honde, Then thou may hafe menske of alle in londe. 3if thou se any mon fal by strete, 235 Lawegh not therat in drye ne wete, But helpe hym up with all thy my3t, As Seynt Ambrose the teches ryst: Thou that stondys so sure on sete, Ware lest thy hede falle to thy fete. 240 My chylde, yf thou stonde at the masse. Ac undurstondis bothe more and lasse, Yf the prest rede not at thy wylle, Repreve hym nost, but holde the stylle. To any wyst thy counselle yf thou schewe, 245 Be war that he be not a schrewe, Lest he disclaundyr the with tong, Amonge alle men, bothe olde and zong. Bekenyng fynguryng non thou use, And pryvé rownyng loke thou refuse. 250 Yf thou mete knyst, somon, or knave, Halys hym anon, "Syre, God 3ou save."

THE BOKE OF CURTASYE.

Yf he speke fyrst opon the pore, Onsware hym gladly withouten more. Go not forthe as a dombe freke. 255 Syn God has left the tonge to speke: Lest menne sev be sibbe or couthe. gond is a mon withouten mouthe. Speke never unhonestly of woman kynde, Ne let hit never renne in thy mynde: 260 The boke hym calle a chorle of chere, That vylany spekes be wemen sere: ffor alle we ben of wymmen borne, And oure fadurs us beforne: Therfor hit is a unhonest thyng 265 To speke of hem in any hething. Also a wyfe be falle of ryst, To worschyp hyr husbonde bothe day and nyst, To his byddyng be obediente, And hym to serve withouten offence. 270 Yf two brether be at debate. Loke nother thou forther in hor hate, But helpe to staunche hom of malice, Then thou art frende to bothe i-wys. 3if thou go with another at the gate, 275 And 3e be bothe of on astate, Be curtasye and let hym have the way, That is no vylanye, as men me say; And he be comen of gret kynraden, Go no before thawgh thou be beden; 280 And yf that he thy maystur be, Go not before, for curtasé,

Nother in fylde, wode, nother launde, Ne even hym with, but he commaunde. Yf thou schalle on pilgrimage go, 285 Be not the thryd felaw for wele ne wo; Thre oxen in plough may never wel drawe, Nother be craft, rvat, ne lawe. 3if thou be profert to drynk of cup, Drynke not al of, ne no way sup; 290 Drynk menskely and gyf agayne, That is a curtasye, to speke in playne. In bedde yf thou falle herberet to be, With felawe, maystur, or her degré, Thou shalt enquer be curtasve 295 In what part of the bedde he wylle lye; Be honest and lye thou fer hym fro, Thou art not wyse but thou do so. With woso menne, bothe fer and negh, The falle to go, loke thou be slegh 300 To aske his nome and qweche he be, Whidur he will kepe welle thes thre. With freres on pilgrimage yf that thou go, That thei will 3yme wilne thou also, Als on nyst thou take thy rest, 305 And byde the day as tru mannes gest. In no kyn house that rede-mon is, Ne womon of the same colour y-wys, Take never thy innes for no kyn nede, ffor those be folke that ar to drede. 310 Yf any thurgh sturnes the oppose, Onswere hym mekely and make hym glose,

But glosand wordys that falsed is, fforsake and alle that is omys. Also vf thou have a lorde. 315 And stondes byfore hym at the borde, While that thou speke kepe well thy honde, Thy fete also in pece let stonde; His curtasé nede he most breke. Stirraunt fyngurs too when he shall speke. 320 Be stabulle of chere and sumwhat lyst, Ne over alle wayne thou not thy syst. Gase not on walles with thy negh, ffyr ne negh, logh ne hegh; Let not the post becum thy staf, 325 Lest thou be callet a dotet daf: Ne delf thou never nose thyrle With thombe ne fyngur, as 3ong gyrle; Rob not thy arme ne nost hit claw, Ne bogh not done thy hede to law; 330 Whil any man spekes with grete besenes, Herken his wordis withouten distresse. By strete or way yf thou shalle go, ffro thes two thynges thou kepe the fro,-Nother to harme chylde ne best, 335 With castyng, turnyng west ne est; Ne chaunge thou not in face coloure, ffor lyghtnes of worde in halle ne boure; Yf thy vysage chaunge for nost, Men say the trespas thou hase wroght. 340 Byfore thy lorde ne mawes thou make, 3if thou wyll curtasie with the take.

With hondes unwasshen take never thy mete, ffro alle thes vices loke thou the kepe.

Loke thou sytt and make no stryf,
Where tho est commaundys or ellis tho wyf.

Eschewe the hegest place with wyn,
But thou be beden to sitt therin.

Of curtasie here endis the secunde fyt,
To heven Crist mot oure saules flyt!

THE THIRD BOKE.

DE OFFICIARIIS IN CURIIS DOMORUM.

Now speke we wylle of officiers
Of court, and als of her mestiers.
ffoure men ther be that 3erdis schall bere,
Porter, marshalle, stuarde, usshere;
The porter schalle have the lengest wande,
The marshalle a shorter schalle have in hande;
The ussher of chamber smallest schalle have,
The stuarde in honde schalle have a stafe,
A fyngur gret, two wharters long,
To reule the menne of court ymong.

DE JANITORE.

The porter falle to kepe tho 5ate,
The stokkes with hym erly and late;
3if any manne hase in court mysgayne,
To porter-warde he schall be tane,
Ther to abyde the lordes wylle,
What he wille deme by ry5twys skylle.
ffor wesselle clothes, that no5t be solde,
The porter hase that warde in holde.

365

Of strangers also that comen to court,
Tho porter schall warne ther at a worde.
Lyveray he hase of mete and drynke,
And setts with hym whoso hym thynke.
When so ever the lorde remewe schalle
To castell til other as hit may falle,
ffor cariage the porter hors schall hyre,
ffoure pens a pece within the schyre;
Be statut he schalle take that on the day,
That is the kynges crye in faye.

375

370

DE MARESCALLO AULÆ.

Now of marschalle of halle wylle I spelle, And what falle to hys offyce now wylle v telle; 380 In absence of stuarde he shalle arest Whosoever is rebelle in court or fest: 30mon, usshere, and grome also, Undur hym ar thes two: The grome for fuelle that schalle brenne 385 In halle, chambur, to kechyn, as I the kenne, He shalle delyver hit ilke a dele, In halle make fyre at yche a mele; Borde, trestuls, and formes also, The cupborde in his warde schalle go, 390 The dosurs cortines to henge in halle, Thes offices nede do he schalle: Bryng in fyre on Alhalawgh day, To Candulmas even, I dar welle say.

PER QUANTUM TEMPUS ARMIGERI HABENT LIBERATAM ET IGNIS ARDEBIT IN AULA.

So longe squiers lyverés shalle hafe,
Of grome of halle or ellis his knafe;
But fyre shalle brenne in halle at mete,
To cena Domini that men hase ete;
Ther brow;t schalle be a holyn kene,
That sett schalle be in erber grene,
And that schalle be to Alhalawgh day,
And of be skyfted, as y the say.
In halle marshalle alle men schalle sett
After here degré, withouten lett.

DE PINCERNARIO, PANETARIO, ET COCIS SIBI SERVIENTIBUS.

The botelar, pantrer, and cokes also,

To hym ar servauntes withouten mo;

Therfore on his 3erde skore schalle he
Alle messys in halle that servet be,

Commaunde to sett bothe brede and ale
To alle men that servet ben in sale;

To gentilmen with wyne i-bake,

Ellis fayles tho service, y undertake;

Iche messe at vjd. brene shalle be,

At the countyng house with other mené;

Yf tho koke wolde say that were more,

That is tho cause that he hase hit in skore.

The panter also yf he wolde stryfe, ffor rewarde that sett schalle be be-lyve. Whenne brede faylys at borde aboute, The marshalle gares sett withouten doute More brede, that calde is a rewarde, So shalle hit be prevet before stuarde.

420

DE OFFICIO PINCERNARII.

Botler shalle sett for yche a messe
A pot, a lofe, withouten distresse;
Botler, pantrer, felawes ar ay,
Reken hom togedur fulle wel y may.
The marshalle shalle herber alle men in fere,
That ben of court of any mestere;
Save the lordys chambur, tho wadrop to,
Tho ussher of chambur schalle tent tho two.

430

DE HOSTIARIO ET SUIS SERVIENTIBUS.

Speke I wylle a lytulle qwyle
Of ussher of chambur, withouten gyle.
This gentylmen, 30mon, ussher also,
Two gromes at the lest, a page therto.

DE OFFICIO GARCIONUM.

Gromes palettes shyn fyle and make litere, 435 ix. fote on lengthe without diswere; vij. fote y-wys hit shalle be brode, Wele watered, i-wrythen, be craft y-trode. Wyspes drawen out at fete and syde, Wele wrethyn and turnyd azayne that tyde. 440 On legh unsonken hit shalle be made, To the gurdyl-stode hegh on lengthe and brade; ffor lordys two beddys schalle be made, Bothe utter and inner, so God me glade! That henget shalle be with hole sylour, 445 With crochettes and loupys sett on lyour; The valance on fylour shalle henge with wyn, iij. curteyns strezt drawen withinne, That reche schalle even to grounde aboute, Nother more, nother lesse, withouten doute; 450 He strykes hom up with forket wande, And lappes up fast aboute the lyft hande. The knop up turnes and closes on ryst, As bolde by nek that henges fulle lyst. The counturpynt he lays on beddys fete, 455 Qwysshenes on sydes shyn lye fulle mete. Tapetes of Spayne on flore by syde, That sprad shyn be for pompe and pryde; The chambur sydes ryst to the dore, He henges with tapetes that ben fulle store; 460 And fuel to chymné hym falle to gete, And streves in clof to y-save tho hete.

ffro the lorde at mete when he is sett, Borde, trestuls, and fourmes, withouten let; Alle thes thynges kepe schalle he, 465 And water in chafer for laydyes fre; iii. perchers of wax then shalle he fet, Above tho chymné vt be sett, In syce ichone from other shalle be The lenghthe of other that men may se, 470 To brenne, to voide, that dronkyn is, Other ellis I wote he dose amys. The ussher alleway shalle sitt at dore At mete, and walke schalle on the flore, To se that alle be servet on ryst, 475 That is his office be day and nyst; And byd set borde when tyme schalle be, And take hom up when tyme ses he. The wardrop he herbers and eke of chambur Ladves with bedys of coralle and lambur, 480 Tho usshere schalle bydde tho wardropere Make redy for alle ny;t before the fere; Then brynges he forthe ny;t-gone also, And spredys a tapet and gwysshens two, He layes hom then opon a fourme, 485 And foteshete theron and hit returne. Tho lorde schalle skyft hys gowne at nyst, Syttand on foteshete tyl he be dyst. Then ussher gose to the botré, "Have in for alle nyzt, syr," says he; 490 ffyrst to the chaundeler he schalle go, To take a tortes lyst hym fro;

Bothe wyne and ale he tase indede, The botler says, withouten drede, No mete for mon schalle sayed be, 495 Bot for kynge or prynce or duke so fre; ffor heiers of paraunce also y-wys, Mete shalle be sayed, now thenkys on this. Then to pantré he hyzes be-lyve, "Syrs, have in withouten stryffe;" 500 Manchet and chet bred he shalle take, The pantere assayes that hit be bake; A morter of wax zet wille he bryng, ffro chambur, syr, without lesyng; That alle nyst brennes in bassyn clere, 505 To save the chambur on nyst for fyre. Then 30mon of chambur shynne voyde with ryme, The torches han holden wele that tyme: The chambur dore stekes the vssher thenne, With priket and tortes that conne brenne; 510 ffro cupborde he brynges bothe brede and wyne, And fyrst assayes hit wele a fyne. But fyrst the lorde shalle vasshe i-wys, ffro tho fyr hous when he comen is; Then kneles the ussher and gyfes hym drynke, 515 Brynges hym in bed where he shalle wynke; In strong styd on palet he lay, At home tase lefe and gose his way; zomon ussher before the dore, In utter chambur lies on the flore. 520

DE SENESCHALLO.

Now speke I wylle of the stuarde als, ffew ar trew, but fele ar fals. The clerke of kechyn countrollour, Stuarde, coke, and surveyour, Assenten in counselle, withouten skorne, 525 How the lorde schalle fare at mete the morne: Yf any devntethe in countré be. The stuarde shewes hit to the lorde so fre. And gares by hyt for any cost, Hit were grete syn and hit were lost. 530 Byfore the cours tho stuarde comes then, The server hit next of alle kvn men Mays way and stondes by syde, Tyl alle be served at that tyde. At countyng stuarde schalle ben, 535 Tylle alle be brevet of wax so grene, Wrytten into bokes, without let, That before in tabuls hase ben sett, Tyl countes also theron ben cast, And somet up holy at the last. 540

DE CONTRAROTULATORE.

Tho countrollour shalle wryte to hym, Taunt resten, no more I myn; And taunt dispendu that same day, Uncountabulle he is, as y 3ou say.

DE SUPERVISORE

Surveour and stuarde also,

Thes thre folke and no mo,

ffor no3t resayne, bot ever sene

That nothyng fayle and alle be whene;

That the clerke of kechyn schulde not mys,

Therfore the countrollour, as hafe I blys,

Wrytes up the somme as every day,

And helpes to count, as I 3ou say.

DE CLERICO COQUINÆ.

The clerke of the cochyne shalle alle thyng breve,
Of men of court, bothe lothe and leve,
Of achater and dispenses then wrytes he,
555
And wages for gromes and 3emen fre;
At dressour also he shalle stonde,
And fett forthe mete dresset with honde;
The spicery and store with hym shalle dwelle,
And mony thynges als, as I no3t telle;
560
ffor clethyng of officers alle in fere,
Save the lorde hymself and ladys dere.

DE CANCELLARIO.

The chaunceler answeres for hor clothyng,
ffor 30men, faukeners, and hor horsyng;
ffor his wardrop and wages also,

And asseles patentes mony and mo;

565

Yf the lorde gyf o5t to terme of lyf,
The chaunceler hit seles withouten stryf;
Tancome nos plerra men seyne, that is quando nos placet,
That is whille us lykes hym no5t omys,

570
Overse hys londes that alle be ry5t
On of the grete he is of my3t.

DE THESAURIZARIO

Now speke y wylle of tresurer, Husbonde and houswyf he is in fer; Of the resayver he shalle resayne, 575 Alle that is gedurt of baylé and grayne; Of the lordes courtes and forfetes als, Whether thay ben ryst or thay ben fals; To the clerke of cochen he payes moné, For vetayle to bye opon the countré. 580 The clerke to kater and pulter is. To baker and butler bothe y-wys: Gyffys selver to bye in alle thyng That longes to here office, withouten lesyng; The tresurer schalle gyfe alkyn wage, 585 To squyer, 30mon, grome, or page; The resayver and the tresurer, The clerke of cochyn and chaunceler, Graynis, and baylys, and parker, Echone come to acountes every zere 590 Byfore the auditour of the lorde onene, That shulde be trew as any stone: Yf he dose hom no ryst lele, To a baron of chekker thay mun hit pele.

DE RECEPTORE FIRMARUM.

Or the resayver speke wylle I,
That fermys resayvys wytturly;
Of graynys and honi aquetons makes,
Sex-pons therfore to feys he takes,
And pays feys to parkers als i-wys,
Therof at accountes he loved is.
And overseys castels, maners aboute,
That no3t falle within ne withoute.
Now let we thes officers be,
And telle we wylle of smaller mené.

DE AVENARIO.

The aveyner schalle ordeyn provande good won, 605
ffor the lordys horsis everychen;
Thay schyn have two cast of hay,
A pek of provande on a day;
Every horse schalle so muche have,
At racke and manger that standes with stave. 610
A maystur of horsys a squyer ther is,
Aveyner and ferour undur hym i-wys;
Those 30men that olde sadels schyn have,
That schyn be last for kny3t and knave,
ffor yche a hors that ferroure schalle scho,
An halpeny on day he takes hym to;
Undur ben gromes and pages mony one,
That ben at wage everychone;

Som at two-pons on a day,
And som at iij. ob., I 30u say;

Mony of hem fotemen ther ben,
That rennen by the brydels of ladys schene.

DE PISTORE.

Or the baker new speke y wylle,
And wat longes his office untylle;
Of a Lunden buschelle he shalle bake
625
xx. lovys, I undurtake;
Manchet and chet to make brom bred hard,
ffor chaundeler and grehoundes and huntes reward.

DE VENATORE ET SUIS CANIBUS.

A HALPENY the hunte takes on the day
ffor every hounde, the sothe to say;

The vewter two cast of brede he tase,
Two lesshe of grehoundes, yf that he hase;
To yche a bone that is to telle,
If I to 300 the sothe shalle spelle;
Bysyde hys vantage that may befalle,
Of skynnes and other thynges withalle,
That huntes con telle better than I,
Therfore I leve hit wytt[ur]ly.

DE AQUARIO.

And speke I wylle of other mystere That falles to court, as 3e mun here;

640

An euwer in halle there nedys to be, And chandelew schalle have and alle napere; He schalle gef water to gentilmen, And als in alle 30men.

QUI DENT MANUS LAVARE ET IN QUORUM DOMIBUS.

In kynges court and dukes also, 645 Ther 30men schynne wasshe and no mo; In duke Jonys house a zoman ther was, ffor his rewarde prayde suche a grace; The duke gete graunt therof in londe, Of the kyng his fader, I undudurstonde; (sic) 650 Wosoever gefes water in lordys chamber, In presens of lorde or levedé dere, He schalle knele downe opone his kne. Ellys he forzetes his curtasé; This euwer schalle hele his lordes borde, 655 With dowbulle napere at on bare worde: The selvage to the lordes side withinne, And doune schalle heng that other may wynne; The over nape schalle dowbulle be layde, To the uttur syde the selvage brade; 660 The over selvage he schalle replye, As towelle hit were fayrest in hye; Browers he schalle cast theropon, That the lorde schulle clense his fyngers [on], The levedy and whosever syttes withinne, 665 Alle browers schynne have bothe more and mynne.

DE PANETARIO.

Thenne comes the pantere with loves thre,
That square are corvyn of trenchour fre,
To sett withinne and oon withoute,
And saller y-coveryd and sett in route;
With the overmast lofe hit shalle be sett,
Withoute forthe square, withouten lett;
Two kervyng knyfes withoute one,
The thrydde to the lorde, and als a spone.

670

DE CULTELLIS DOMINI.

Or the two the haftes schynne outwarde be, 675 Of the thrydde the hafte inwarde lays he, The spony stele ther by schalle be layde, Moo loves of trenchirres at a bravde: He settes and servys evyr in fere To duches his wyne that is so dere; 680 Two loves of trenchors and salt tho, He settes before his son also: A lofe of trenchours and salt on last. At bordes ende he settes in hast; Then brede he brynges in towelle wrythyne, Thre lofys of the wyte schalle be gevyne; A chet lofe to the elmys dyshe, Wether he servyd be with flesshe or fysche; At ather ende he castes a cope, Layde downe on borde, the endys plyed up. 690

That he assayes knelande on kne. The kerver hym parvs a schyver so fre: And touches the lovys yn quere aboute, The pantere hit etvs withoute dowte: The euwere thurgh towelle syles clene. 695 His water into the bassynges shene; The over bassyn theren schalle close, A towelle theron, as I suppose, That folden schalle be with fulle grete lore, Two quarters on lenkethe and sumdele more; 700 A qwyte cuppe of tre therby shalle be, Therwith the water assay schalle he: Quelmes hit agayn byfore alle men; The kerver the bassynges tase up thenne; Annaunciande sqyer, or ellis a knyzt, 705 The towelle downe tase by fulle good ryst; The cuppe he tase in honde also, The kerver powres wat[er] the cuppe into; The knyst to the kerver haldes anon, He says hit are he more schalle done; 710 The cuppe then voyde is in the flette, The euwer hit takes withouten lette. The towelle two knythtes schyn halde in fere, Before the lordes sleves, that ben so dere; The over bassyn thay halde never the queder, 715 Quylle tho kerver powre water into the nedur. ffor a pype ther is insyde so clene, That water devoydes, of selver schene; Then settes he the nethyr, I und [u]rstonde, In the over, and voydes with bothe is honde; 720

And brynges to the euwer that he come fro;
To the lordys bordes agayn con go;
And layes iiij. trenchours the lorde before,
The fyft above by good lore;
By hymself thre schalle he dresse,
To cut open the lordes messe;
Smale towelle aboute his necke shalle bene,
To clens his knyfys that ben so kene.

DE ELEMOSINARIO.

THE aumenere by this hathe sayde grace, And the almes dysshe hase sett in place; 730 Therin the kerver a lofe schalle sette. To serve God fyrst withouten lette: These other lofes he parys aboute, Lays hit myd dysshe withouten doute. The smalle lofe he cuttes even in twynne, 735 The over dole in two lays to hym. The aumenere a rod schalle have in honde, As office for almes, y undurstonde. Alle the broken met he kepys y wate, To dele to pore men at the 3ate, 740 And drynke that leves served in halle; Of ryche and pore bothe grete and smalle. He is sworne to overse the servis wele, And dele hit to the pore every dele; Selver he deles rydand by way; 745 And his almys-dysshe, as I 30u say, To the porest man that he can fynde, Other ellys I wot he is unkynde.

DE FERCULARIO.

This wyle tho squyer to keehyn shalle go, And brynges a bof for assay tho; 750 The coke assayes the mete ungryst, The sewer he takes and kovers on ry;t; Wosoever he takes that mete to bere, Schalle not so hardy the covertoure rere. ffor colde ne hote, I warne sou alle, 755 ffor suspecyone of treson as may befalle. Yf the sylver dysshe wylle algate brenne, A sotelté I wylle the kenne, Take the bredde corvyn and lay bytwene. And kepe the welle hit be not sene; 760 I teche hit for no curtayse, But for thyn ese. When the sewer comys unto the borde, Alle the mete he sayes at on bare worde, The potage fyrst with brede y-corvyn, 765 Coverys hom agayn lest they ben storyyn; With fysshe or flessh yf be served, A morselle therof shalle he be kervyd; And touche the messe over alle aboute. The sewer hit etes withouten doute. 770 With baken mete yf he servyd be tho, Tho lydes up-rered or he fyr go, The past or pye he sayes withinne, Dippes bredde in gravé no more ne mynne; if the baken mete be colde, as may byfalle, 775 A gobet of the self he sayes withalle.

But thou that berys mete in hande, Yf the sewer stende, loke thou stande: Yf he knele, knele thou so long for oat, Tylle mete be sayde that thou hase broght. 780 As oft at hegh borde yf brede be nede, The butler two lovys takys indede; That on settes down, that other agayn He barys to cupborde in towelle playn. As oft as the kerver fettys drynke, 785 The butler assayes hit how good hym thynke; In the lordys cupp that levys undrynken, Into the almes-disshe hit schalle be sonken. The kerver anon withouten thoust. Unkovers the cup that he hase brougt; 790 Into the covertoure wyn he powres owt, Or into a spare pece, withouten doute; Assayes, an gefes the lorde to drynke, Or settes hit down as hym goode thynke. The kerver schalle kerve the lordes mete. 795 Of what kyn pece that he wylle ete; And on hys trenchour he hit layes, On thys maner without displayes; In almes-dysshe he layes yche dele, That he is with served at tho mele; 800 But he sende hit to ony strongere, A pese that is hym leve and dere, And send hys potage also, That schalle not to the almes go. Of kerver more, yf I shulde telle, 805 Another fytt thenne most I spelle,

Therfore I let hit here over passe, To make oure talkyng summedelasse. When the lorde hase eten, tho sewer schalle bryng The surnape on his schulder ryng, 810 A narew towelle, a brode besyde, And of hys hondes he lettes hit slyde; The ussher ledes that on hed ryst, The aumener the other away shalle dyst. When the ussher comys to the borde ende, 815 The narow towelle he strecches unkende: Before the lorde and the lady so dere, Dowbelle he playes the towelle pere; Whenne thay have wasshen and grace is sayde, Away he takes at a brayde; 820 Awovdes the borde into the flore, Tase away tho trestes that ben so store.


DE CANDELARIO.

Now speke I wylle a lytulle whyle
Of the chandeler, withouten gyle,
That torches and tortes and preketes con make, 825
Perchours, smale condel, I undertake;
Of wax these candels alle that brennen,
And morter of wax that I wele kenne;
The snof of hom dose away
With close sesours, as I 30w say;
S30
The sesours ben schort and rownde y-close,
With plate of irne upon bose;

In chambur no lyst ther shalle be brent, Bot of wax therto, yf ze take tent; In halle at soper schalle caldels brenne 835 Of Parys, therin that alle men kenne; Iche messe a candelle fro Alhalawghe day To Candelmesse, as I 3ou say; Of candel liveray squiyers schalle have, So long, if hit is mon wille krave. 840 Of brede and ale also the boteler Schalle make lyveré thurghout the zere To squyers, and also wyn to knyst, Or ellys he dose not his office ryst. Here endys the thryd speche,-845 Of alle oure synnes Cryst be oure leche, And bryng us to his vonyng place! Amen, sayes 3e, for hys grete grace! Amen, par charité.











Halliwell, James O. editor PR II20.
The book of curtasye .P4 v.4

AUY - 5145

